

B559

PARLIMEN-MALAY DILEMMA 1981

KUALA LUMPUR, 19 OKT. (BERNAMA)—DATUK SERI DR. MAHATHIR MOHAMAD BERKATA HARI INI PANDANGAN-PANDANGANNYA DALAM BUKU 'MALAY DILEMMA' TIDAK MENIMBULKAN PERASAAN TAKUT DI KALANGAN RAKYAT KECUALI APA YANG DISEMAI DAN DIGEMBAR-GEMBURKAN OLEH PEMIMPIN-PEMIMPIN DAP.

PERDANA MENTERI BERKATA BELIAU TIDAK BERCADANG MEMBUAT APA-APA SELAIN DARI MEMBERI PELUANG KEPADA RAKYAT MENELITI PENDAPATNYA DALAM BUKU ITU DENGAN CARA MENGHALALKAN PENGEDARAN 'MALAY DILEMMA'.

BELIAU MENJAWAB ENCIK KARPAL SINGH (DAP-JELUTONG) SEMASA SOAL JAWAB DI DEWAN RAKYAT.

MENJAWAB PERTANYAAN ENCIK P. PATTO (DAP -MENGELEMBU) PULA PERDANA MENTERI MENJELASKAN SEBAHAGIAN DARI PENDAPATNYA DALAM BUKU 'MALAY DILEMMA' YANG DITULIS DALAM TAHUN 1970 KINI TIDAK BERASAS LAGI SEJAK PELAKSANAAN DASAR EKONOMI BARU.

MENJAWAB PERTANYAAN DATUK ABU BAKAR OMAR (PAS-KOTA SETAR), PERDANA MENTERI BERKATA BELIAU BERCADANG UNTUK MENTERJEMAHKAN 'MALAY DILEMMA' KE BAHASA , CHINA, TAMIL DAN ARAB.
—BERSAMBUNG 1632/HM

B569

PARLIMEN-MALAY DILEMMA 2 KUALA LUMPUR

MENJAWAB PERTANYAAN ENCIK KARPAL SINGH PULA, PERDANA MENTERI MELASKAN TAESIRAN +EXTREMISME+ YANG DIDAKWA WAKIL ITU MENGENAI BUKU TERSEBUT ADA KAITANNYA DENGAN KEADAAN DAN MASA 'MALAY DILEMMA' DITULIS.

SEBELUM PERDANA MENTERI MENJAWAB, SPEAKER TAN SRI SYED NASIR ISMAIL MENINGATKAN ENCIK KARPAL SUPAYA MENUJU TERUS KEPADA SOALAN DAN TIDAK PAYAH MEMBACA KANDUNGAN BUKU ITU UNTUK MENGUATKAN DAKWAANNYA.

MENJAWAB ENCIK LIM KIT SIANG (DAP-PETALING) PERDANA MENTERI BERKATA DALAM BUKU ITU BELIAU BERPENDAPAT UNTUK MEWUJUDKAN SATU NEGARA MALAYSIA, KAUM MENDATANG MESTILAH MENGHAPUSKAN KAITAN RASA KEKELANGSAAN MEREKA DENGAN NEGARA ASAL DAN SEBALIKNYA MENERIMA CITA-CITA KEBANGSAAN KAUM ASAL DI NEGARA INI.

MENJAWAB PERTANYAAN DR. CHAN MAN HIN (DAP-SEREMBAN) PERDANA MENTERI MENJELASKAN PANDANGANNYA DALAM BUKU ITU TENTANG KAUM MENDATANG ADALAH BERDASARKAN KEADAAN DI NEGARA-NEGARA LAIN. —BIASANYA, KAUM MENDATANG AKAN MELUPAKAN SEMANGAT KEBANGSAAN NEGARA ASAL MEREKA DAN MENYERAP NILAI-NILAI KEBANGSAAN NEGARA INI.—BERNAMA 2132/HM